

Gullslottið ehf.
Laufásvegi 22a
101 Reykjavík

Reykjavík, 8. júní 2021
UST202106-075/P.V.B.
09.06.01

Leyfi til kvikmyndatöku - Þjóðgarðurinn Snæfellsjökull

Umhverfisstofnun hefur móttengið umsókn Gullslottsins ehf., dagsett 7. júní 2021, um leyfi til kvikmyndatöku innan Þjóðgarðsins Snæfellsjökuls.

Þjóðgarðurinn Snæfellsjökull er friðlýstur sbr. reglugerð nr. 568/2001. Hvers konar atvinnustarfsemi og samkomuhald er óheimilt í þjóðgarðinum nema til komi sérstakt leyfi Umhverfisstofnunar sbr. 17. gr. reglugerðarinnar. Mannvirkjagerð, efnistaka og hverskonar annað jarðrask er óheimilt nema til komi sérstakt leyfi Umhverfisstofnunar sbr. 18. gr. reglugerðarinnar. Rannsóknir á náttúrufari og menningarminjum í þjóðgarðinum eru háðar leyfi Umhverfisstofnunar sbr. 20. gr. reglugerðarinnar.

Lýsing verkefnis:

Sótt er um leyfi til að kvikmynda á tveimur stöðum á tveimur tímabilum innan þjóðgarðsins. Í báðum tilfellum er áætlað að tölur fari fram á vegi. Á tímabilinu 8.-10. júní 2021 er sótt um leyfi vegna kvikmyndatöku í einn dag á Útnessvegi (574) og Öndverðanessvegi (579). Áætlað er að fari fram eftir kl 18:00. Kvikmyndavélarnar verða í jeppa sem keyrður verður eftir vegunum. Áætlað er að vettvangsstjórn verði staðsett á bílastæði og vegöxl við Skarðsvík. Með undirbúningi, framkvæmd og frágangi er áætlað að tölurnar taki 5 klst. Á tímabilinu 21.-23. júlí 2021 er áætlað að tölur fari fram í einn dag á Útnessvegi (574) og við og á slóð sem liggur að bílastæði vestan við veginn við Beruvíkurlhraun rétt norðan við afleggjarann að Dritvík (572). Fyrirhugað er að kvikmyndavél verði staðsett við veginn og á bíl sem keyri veginn og fyrrnefnda slóð. Bílnum yrði svo lagt á bílastæðinu. Á báðum tímabilunum yrði komið fyrir tveimur stórum sendibílum, þremur litlum sendibílum, fjórum fólksbílum og kamri í vettvangsstjórninni. Kort sem sýnir akstursleiðir, staðsetningu myndavéla og staðsetningu vettvangsstjórna fylgdi með umsókn. Fyrirhugað er að takmarka umferð um vegina í 8-10 mínútur og yrði opnað á umferð milli þess sem verið er að mynda. Að tölunum kæmu 25-30 manns á hvoru tímabili.

Áhrifamat:

Umhverfisstofnun metur verkefnið ekki líklegt til að hafa neikvæð áhrif á verndargildi svæðisins. Gestir svæðisins geta orðið fyrir truflunum vegna lokana á vegum. Umhverfisstofnun metur að sé farið eftir skilyrðum leyfis sé hægt að draga úr neikvæðum áhrifum kvikmyndatökunar á gesti svæðisins.

Skilyrði:

Umhverfisstofnun veitir Gullslottinu ehf. fyrir sitt leyti leyfi fyrir kvikmyndatöku innan Þjóðgarðsins Snæfellsjökuls og akstri utan skilgreindra vega vegna kvikmyndatöku sbr. lýsingu hér að ofan 8.-10. júní og 21.-23. júlí 2021 að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Þar sem þörf er á að fara út fyrir vegi skal þess gætt að valda sem minnstu raski og fjarlægja öll ummerki um athafnir utan göngustíga/vega að verkefni loknu.
- Virða skal umgengnisreglur sem gilda um svæðið.
- Koma skal fyrir merkingum á tókustað um að leyfi fyrir verkefninu hafi fengist hjá Umhverfisstofnun.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Afmá skal öll ummerki verkefnisins á svæðinu að því loknu.
- Kvikmyndatökuliðið skal sýna öðrum gestum svæðisins tillitssemi og tryggja að tókurnar valdi eins litlu ónæði og hægt er. Færri gestir eru á ferð um þjóðgarðinn á kvöldin.
- Takmarka skal þann tíma sem takmarkanir eru á umferð um vegina eins og kostur er.
- Ef myndefnið er ætlað til birtingar opinberlega skal það tekið fram í myndbandinu/myndatexta að leyfi Umhverfisstofnunar hafi fengist fyrir kvikmyndatökunni innan hins friðlýsta svæðis.
- Starfsmenn verkefnisins gangi snyrtilega um svæðið og forðist allt rask og þess gætt að allur úrgangur verði fjarlægður.
- Losun ferðasalerna skal fara fram á viðurkenndum losunarstað utan hins friðlýsta svæðis.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Leyfi Vegagerðarinnar eða lögreglu gæti þurft fyrir verkefninu.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Leyfisgjald:

Umhverfisstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um kvikmyndagerð og/eða ljósmyndatöku er kr. 52.600.- sbr. 24. gr. b. gjaldskrá Umhverfisstofnunar nr. 535/2015.

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt

Jón Björnsson
þjóðgarðsvörður

Davíð Örvar Hansson
sérfræðingur